



partii naleraq

UKA2020/21,22

Ulloq. 6. Oktober 2020

Jens NapätôK'

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneranik Inatsisartut inatsisaat nr. x, xx. xxx 2020-meersoq. (Ingerlatseqatigiiffiit akileraarutaanik appaaneq soraarnerussutisianullu maleruagassat ilaannik allannguinuq)

Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinneqarnera pillugu Inatsisartut inatsisaat nr. xx af xx. xxx 2020-meersoq. (Atuuffissaasa annikillisinneqarnerat)

(Aningaasaqarnermut Naalakkersuisoq)

Imm. 21 aamma 22 ataqatigiisillugit siullermeerneqassapput

Siullermeernera

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat suli normulernerqaranilu ullulernerqanngitsoq 2020-meersoq (Ingerlatseqatigiiffiit akileraarutaanik appaaneq soraarnerussutisianullu maleruagassat ilaannik allannguinermik imaqartoq uani immikkortoq 21-miittoq taamaatullu Pigisanit pissarsiat ilaasa akileraaruserneqartarnerat pillugu Inatsisartut inatsisaat suli normulernerqaranilu ullulernerqarsimangitsoq 2020-meersoq (atuuffissaasa annikillisarnerqarneranik imaqartoq immikkoortoq 22 ataqatigiisillugit siullermeerneqartussanngorlugit oqaluuserisassanngortinneqartut pillugit Partii Naleqqamiit imatut oqaaseqarfigissavarput.

Siullermik immikkoortut 21 22-lu misissuataarnerani pensioninut tunngasortaa naleqqussaannerusoq takusinnaavarput, taamaattumillu taanna annertunerusumik oqaaserfiginatigu ingerlatseqatigiiffinnut akileraarutaanut appaanissaq annertunerusumik imatut oqaaseqarfiginiarparput.

Ingerlatseqatigiiffiit akileraarutaanik appaanissaq Partii Naleqqamiit politikikkut angunia-garisatta ilagilluinnarpaat, kisianni Naalakkersuisoqatiguit Dekokraatit siuuttoralugit maannakkut siunnersuutaat tapersersunngilluinnarpaat.

Taamatut aaqqiinarneq nunap inui pilliutigalugit pisoorsuit peqarnerulernissaanik aqquis-siunerinnartut Partii Naleqqamiit isigatigu tapersersunngilluinnaratigu oqaatigeriissuarput.

Naatsumik oqaatigalugu siunnersuut ilaannakortumik eqqarsatigilluugaanngitsumillu Naalakkersuinikkut angumersiniapallannertut tuaviuusapilutaasutut isikkoqarluinnarpoq aaqqiinarnerigaluaq.



partii naleraq

Partii Naleqqamiit isumaqarpugut ingerlatseqatigiiffiit akileraarutaat selskabsskat inuiaqatigiinnut iluaqutaasumik aaqqiiffiqeqassappat, susasaqartut suleqatigalugit pilersaaruserluakkamik suliarineqartariaqartoq.

Taamatullu Ingerlatseqatigiiffiit akileraarutaat Selskabsskat nunanut sanilerisatsinnut unammillersinnaasumik naapertuuttumik aaqqissuullugu inississappat inuiaqatigiinnut sunniuteqartumik aaqqissuuttariaqarpoq. Tassalu minnerpaamik 15 %-mut apparneratigut tamanna anguneqarsinnaalluni.

Nunat assersuuttakkagut unammillertugassagut ingerlatseqatigiiffiit akileraarutaat qivialaassagutigit kisitsisit kingullit saqqummersut allaavigalugit Qallunaat Nunaanni maannakut 22 procentiuvoq, Savalimmiuni 18 procenti taamatullu Amerikami maannakut ingerlatseqatigiiffiit akileraarutaat, tassalu selskabsskat 21 procentiuvoq.

Taamaamat maannakut Kalaallit Nunatsinni aaqqeeriarnerigaluaq ingerlatseqatigiiffiit akileraarutaat 31,8 procentimittuq 30 procentimitt 25 procentimut apparlugu inissiineq ukiumut 54 mio. kr.-imik naleqartoq aningaasanik isertassaraluanik nunatta karsianut pisariaqanngitsumik uggornaraluartumik innerliinerinnaavoq pilersaaruserluarneqanngin-nera pequtaalluni.

Taamatullu tuaviupilulluni pilersaaruserluagaanngitsumik aaqqiineq uggornaraluartumik Namminersoneq Oqartussanut akileraarutitsigut isertitassaraluanut sunniuteqarluin-nanngilaq aammattaaq kommunit qulaatiinnarlugit isertitassaraluanut ukiunut missingersuuserfiinut ilanngukkaanni 100 mio kr.-inik annasaqaataasussanngorpoq, tassami ukioq manna 2020-mi isertitassaraluat 25 mio. koruuninik ajorseriartussammata. Kommune Kujallermi 3.mio, Qeeqata kommunianut 4 mio, Avannaata kommunianut 5 mio. Kommune Qeqertalimmut 3 mio. taamatullu Kommuneqarfik Sermersooq 9 mio. kr. Ukioq mannaannaq annasaqartussanngorlutik.

Tassunga tunngutillugu Naalakkersuisuniit oqaasertaliunneqartoq Partii Naleqqamiit akuersaarneqarsinnaanngilluinnartutut isigiaarput.

Tassami Naalakkersuisut saqqummiussani nassuiaatitaani ilanngullugu allassimavaat kommunit annasaqaatigisassaat tamakkiisumik ilaannakusortumilluunniit kommuninut utertinneqassanersoq kommuninut tapiissutinut isumaqatigiinniarnissamut ilanngunneqar-sinnaajumaartut oqaatigimmassuk.

Partii Naleqqamiit isumaqarpugut taamatut appaanissaq isumaqataaffiginneqisarput pilersaaruserluagaanngitsumik ingerlanniarneqartoq aaliangiusimaannarneqassappat min-nerpaamik kommunit annasaqaataat ukiumut 25 mio kr. tamakkerlugit ilaanngaaffiginagit tunniunneqartariaqarluinnartut Partii Naleqqamiit isumaqaratta oqaatigeeriissavarput.



Kommunit qulaatiinnarlugit taamatut aaliangerneq kommunit annaasasaqaaffigisas-sangugaat ilanngaaffiginagit tamakkiisumik tunniunneqartariaqarput. Kommunit qulaatiinnarlugit taamatut akisussaaffinnik tunniussinermi aningaasartaat killeqaqisumik malinnaatinneqartartut kommuninut innuttaasunut kiffartuussinermut annertuumik sunniuteqapiluttarmata kommunit aningaasaqarnerat innarlerlugu ingerlatsiuarneq Partii Naleqqamiit peqataaffigerusunngilluinnaratigu taamatut paatsuugassaannngitsumik oqaaseqarluta kommuninut annaasaqataannngitsumik aqqinnissaq sakkortunerpaamik kaammattuutigaarput.

Partii Naleqqamiit maluginiakkatta ilagaattaaq Naalakkersuisut assigiinnngitsumik isummer-sornerat, tassami tusarniaanermi Peqqinnissaqarfimmut Naakkersuisoqarfiup siunnersuutigimassuk piginneqatigiilluni akileraarut/selskabsskati 5 procentimik apparnissaa aatsaat januarip aallaqqaataani 2021-imi atuutilernissaa kissaatigimassuk. Taamatut kissaateqarluni siunnersuuteqarneq Peqqinnissamut Naalakkersuisup isumani aaliangiusimaneraa Partii Naleqqamiit apequtigerusupparput, neriutugalugu ersarissumik akissuteqarfigineqarumaartoq.

Peqqinnissamut Naalakkersuisoqarfiup toqqammavilersuutit ilaattut taaneqarpoq aningaasanik isertitassaraluit 54 mio. kr-it annaasaqartussaamata Namminersorlutik Oqartussanut kommuninullu.

Suli tupinnarneruvoq Peqqinnissamut Naalakkersuisoqarfiup Akit akissarsiallu naleerukkiar-tornerannut nalimmassaanerup 2021-imi atorunnarsinneqarnissaa siunnersuutigimmagu. Taamatut Peqqinnissamut Naalakkersuisup siunnersuuteqarnermini sulisut taamatut isumaqatigiissuteqarfigineqarsimasut tusarniaavigisimaneraat. Tusarniaasoqarsimappallu sooq oqaaseqaatai ilaatinneqarsimannginnersut.

Ilanngullugu Partii Naleqqamiit tupaallaatigingaarparput Tusarniaanermi Peqqinnissamut Naalakkersuisup sipaarniarneqarnissaanik oqariartuutaat

Peqqissutsimut suliassaqarfimmi sipaaruteqarnerit sunniutissaat ingerlatassat annikinne-rulertussat taakkartugai ilaatigut oqaatigineqarluni utaqqisut amerlanerulernerat taamatullu aamma katsorsaanerit aalajangersimasut unitsinneqarnerat. Tamatuma saniatigut peqqinnissaqarfimmi ukioq tamaat sulisussat malunnaatilimmik ikilisinneqarnerannik tamanna kinguneqartussaavoq.

Peqqinnissamut Naalakkersuisoqarfiup ilanngullugu tusarniaanermi akissuteqaatigaa, Issuaaneq aallartippoq, *“sipaartissat matuma siuliani taaneqartut, peqqinnissaqarfimmi isumalluutinik pisariaqartunik ilassuteqarnerup aalajangiusimaannarnissaa pillugu naalakkersuisooqatigiinnissamut isumaqatigiissummut naapertuuttut isigineqarsinnaanngillat”*. Issuaaneq naavoq.



partii naleraq

Oqaasertaliussat uani saqqummiussa at tupaallannartorujussuarmik takutitsisuupput Naalakkersuisoqatigiit siunnerfeqaqatigiinngilluinnarlutik ilungersunartorujussuarmik ingerlatsiniarsarisut. Alla at katorsartariaqartut napparsimasut ikilinissa at allallu peqqinnissaqarfimmi ajorseriaataasussat tupaallannaraluartumik uani saqqummiussuunneqarlutik.

Uani saqqummiunneqartumi taamatut Naalakkersuisut imminnut aporaannerat tupinnartorujussuuvoq aammalu peqqinnissaqarfik pilliutigineqarniartutut oqaatigineqartut toqqammavilersuutaat aarlerinarluinnartut oqaatigineqartut takutiinnarpaat ingerlatseqatigiiffinni akileraarutip taamatut 30 procentimiit 25 procentimut apparniarnera 54 mio. kr-inik naleqartussa q peqqinnissaqarfimmi ingerlatsinermut annertuumik kalluaasussanngortoq.

Taamaamat Parti Naleqqamiit taamatut pilersaarusionluagaanngitsigisumik ingerlatseqatigiiffinnut akileraarummik appaniapallanneq tapersersinnaannginnatigu itigartillugu oqaaseqarpugut.